


天保



鄖陽府

在省城西北領縣七
一千二百里

古麋庸地春秋時曰錫穴為錫之西鄙左傳魯文公十一年楚潘崇伐麋至于錫穴是也西漢始置錫縣于鄖隋唐以來為鄖鄉縣屬均州 國朝成化七年以陝西之西安

漢中河南之南陽及湖廣之荆襄各邊境流民聚集亡統盜賊易生而皆去其省會遼絕文告往來彌月不通因設鄖陽巡撫以統治之其易縣為府易鄖鄉為鄖縣皆此時也外屬曰房乃西漢置曰竹山舊分自房者曰竹谿今分自竹山者曰上津鄖西保康實割金商之餘以劾置之府治于鄖○鄖御史中丞臺始建于陽城原傑其後有聞于

時者吳郡王世貞以萬曆初年任而徐學謨繼之徐亦吳人○元美有鄖陽藏書記云鄖鄉古一聚落城如斗大攷其流寓之跡惟有唐濮恭王泰泰選志括地藏蓄典籍踰于秘閣及歿而施宅為寺遺書之存絕無影響予乃購書三千餘卷歸諸郡庫俾度而鑰之以啟異日文獻之百一云爾○元美又題有春雪樓扁及綴詩二章在郡西北隅城闈上學謨為之記○按濮恭王故跡雖載諸均州然有墳塚在城北五里地名長辨村則屬之鄖為近其故宮去鄖西北一百八十里今乾明寺是其故基○水經注曰漢水又東逕鄖鄉故城南謂之鄖鄉灘縣故黎也即長利之鄖鄉矣地里志曰鄖有關李奇以為鄖子國華陽國志云魏黃初二年文帝轉申儀為魏興太守封鄖鄉侯劉王時申耽亦封此地郡城東北七十里有黎子闕乃沿黎子之名○志云麋羸子國也鄖即麋地竹山竹谿即庸地上津即商地保庸介于麋庸之間鄖西介于麋商之間

鄖縣附郭

詳見郡下隋唐之季析置南豐州于此圖經云豐州丹水出丹魚先夏至十日夜間伺之魚浮水有赤光上照如火以網取之割其血塗足可以步行水上按志紅巖在城東南二里舊名赤壁厥勢高峻日光霞彩朝夕掩映其下有

龍滾灘勢特汹涌丹水所經丹水即漢水也○水經注曰漢水東逕魏興郡錫縣故城北為白石灘春秋之錫穴地故屬漢中王莽之錫治矣漢水又東逕長利谷南入鄖有長谷故城舊縣也○志云縣西二百餘里有廢豐利縣晉之長利縣也太康年改長利為錫縣後魏分錫縣置長利以俯長利川而名○寰宇記云錫義山一名天心山在縣東北六十五里道書福地記曰天心之山方圍百里四面有門上有石壇長十餘丈世傳列仙所居山高谷深多生薇蕨其草有風不偃無風猷搖輿地紀勝云天柱山在縣錫義鄉山之左有峰狀如天柱上有三石門內有飛仙一日三朝按志錫義山距西百八十里周圍百里支脈入城內外○城南一里有天馬山又里許為寶蓋山俱臨漢水靈寶許論天馬亭記云出鄖城渡漢江登岸見大石俯于港圍可數十步問之曰即天馬岨所墮石也正壓洞口石山上岨間有天馬岨三字為神異之筆相傳昔有駿馬出食于野人伺而逐之馬逸于洞將從之崖崩石墜但有文三字可見○寶蓋山即注水經云鄖鄉之西山也山上有石蝦蟆倉卒視之與真無異山北有岨其傍有穴甚明號曰星牖攷漢水自蟠冢蜿蜒西來經此山下以達三澁兩岨東之誠為控扼之要區矣○古寒山在城西南十里昔楚

城此以備秦師又名大寒山有寒泉水出其下注水經云漢水又東謂之滂灘冬則水淺而下多大石又東為淨灘夏水急盛川途湍洑行旅苦之故諺曰冬滂夏淨斷官使命言二灘阻礙也又縣西六十里有堵水漢地里注云堵水入于漢俗名堵口○志云縣南七十里有龍門山兩崖對峙如門水從中出其下有龍門河東流至城南二十里有神定河同注于漢○明都御史王鑑之修堰記云郡治東靈泉之西昔人鑿石為渠塹河為堰引以溉田者二曰武陽曰盛水按武陽洞名在城西五十五里懸崖深邃竅穴莫測盛水源出馬喊泉圖經云漢光武駐兵于此馬喊而地忽傳聲掘之得泉即斯水矣○輿地紀勝云白鶴觀在鄖鄉西渡十五里昔帝者封禪于東嶽感仙鶴五百餘隻降于圓壇上因勅天下置觀以白鶴名此其一也又有明道觀唐貞觀年改濮王泰宮所作宋天聖年特賜乾元圖紹興十七年此圖迎致行在○乾興寺宋宰相張士遜功德院也士遜經乾興院詩云桐枝手植有桐孫二紀重來媿此身

房縣 在府西南二百一十里

春秋房子國西漢置房陵縣東漢置房郡魏改新城後周改光遷隋復為房陵郡唐改房州降州為縣自我明始○

按世本云舜封堯子丹朱于房朱生陵以國為氏志載房山在縣西南三十里四面有石室如房相傳丹朱所遊憇粉水出其中流入漢江雍州記云蕭何夫人于此漬粉鮮潔異諸水矣王象之云房山有獨松驛舊設今廢○左傳文十一年楚子伐麇成大心敗麇師于房闞駟云防陵即春秋時防渚也漢初為防後漢始改為房縣西有阜山文十六年戍伐楚至于阜山是也○史記秦始皇使王翦滅趙徙趙王遷于房陵後呂不韋之家亦徙焉華陽國志始皇徙不韋舍人萬家于房陵以其隘地也漢時宗族大臣有罪亦多徙之唐要圖云趙王塚在房陵縣北九里王思

故鄉作山謳聞者莫不流涕卒因葬焉○水經注云房陵郡漢末所置又分置上庸郡其城三面注水蜀先主遣孟達攻房陵上庸二郡孟達來降魏文帝乃合房陵上庸西城三郡置新城郡以孟達為太守治房陵按志縣南三里
有筑水三國時魏將張郃屯宕渠劉備屯筑口即此處○
南史梁侯景之亂荆襄地入西魏廢帝二年改新城郡為光遷國後周廢為郡舊傳此地有三百人于房山中學道得仙因名其地為廣仙後人語訛為光遷元和志云光遷水又在縣西三十里即故光遷郡治之羅溪也按縣有三花九室常為仙人遊集之所輿地紀勝云三花洞在房陵

福溪巖下元豐間有道者日簪三花遊于市頗能詩知人
未來禍福蘇軾贈以詩有千年飽服長生藥三朵長簪不
老花之句九室山在縣西四十里即樵人爛柯處也山北
九室宮陳搏修煉于此○攷唐書武德元年改房陵郡為
仙州亦以其地多仙跡而名貞觀十年改置房州武后嗣
聖元年遷中宗于房州通鑑書帝在房州是也紀勝云龍
興寺在州治南即廬陵王故宮寺有述聖碑建中三年立
○後唐刺史脩解斷碑在治內圖經云唐貞觀年由竹山
徙房陵解字其詳莫考近得斷碑數百字有特修解署壯
郡城之氣槩巧安池榭光衙府之威稜逸其年月而官稱
乃後唐之刺郡者故有鈐齋舫齋坐嘯亭濯纓亭凝香閣
房陵道院俱在治內○畫墁修城記云房陵為州隘陋無
遊適之地獨是城喜喜言言而門觀房塹如邊方皆有法
度其地四塞而險固故蜀將孟達與諸葛公書云所在深
陵司馬公必不來吾無患矣○紀勝云青峰在縣東古詩
有新晴遠村白薄暮羣峰青之句指此山也赤崖在縣西
乾溪石壁上有篆書古字白谷在湯溪對岸夷堅志云湯
泉在房陵山中東去縣十里出硃砂龍神守護甚嚴○建
鼓山在縣東南哀山哀松記云登勾將山見馬鬣建鼓嶷然
半天華陽國志云此即山水之難有馬鬣建鼓之險也○

鳳凰山在縣西三十里有道林巖俞商衡記云道林寺梁僧寶誌掛錫之地六朝至今字畫猶存又十里為明月山其下有厓誌公修行于此夜望光如明月故名○定山在縣西南四十里吳曾漫錄云房陵定山有朱仲李園三十六所潘岳閒居賦房陵朱仲之李是也○景山在縣西南二百里東與荆山接連沮水發源于此山海經云荆山之首曰景山鴻鴈南翔北歸偏經其上土人因名為鴈塞山寰宇記云房陵有三十五溪三十四山此其發源處也按今入竹山界○三十五溪其名最著者曰臨愁水其下為解散川宋張舜民詩有客嘗談解散川偶因晴景到溪前春流似鏡清無底石壁如門翠插天夜氣結成三洞雨春渠欲盡一州田臨行始覺房陵好更欲遲留住一年○城塚記云廬陵王城在南門外又一里為尹吉甫宅吉甫當縣人○漢張敖墓在縣西百里敖封宣平侯卒葬此○唐袁天綱墓在縣東北一百里高塚尚存林木森蔚○縣西南一百二十里地名秦白昔人築塘掘得石云秦白起伐楚屯兵于此今有秦人城寨

竹山縣 在府城東南三百八十里

春秋庸國楚滅之秦置上庸縣于此梁析置安城縣西魏改為竹山縣唐初為房州治貞觀移之房陵宋開寶年以

上庸省入○元和郡縣志云周武王會諸侯于孟津庸人
往焉尚書泰誓庸蜀羌予微盧彭濮人是也左傳文十六
年楚有灾庸率羣蠻以叛楚滅之秦置上庸縣故靳尚言
秦將以上庸六縣易張儀于楚見通鑑周赧王四年○晏
公類要云秦王城在縣南一里唐景龍中掘得石碣云秦
白起伐楚于此下寨○上庸故城在縣東四十里後漢省
曹魏復置屬新城郡按志庸城縣在縣西五里古庸人居
此上置鼓亦名垂古山又方城山在縣東三十里山上平
坦四面險固山南有城周十餘里春秋庸地有四方城此
其一也左傳楚使盧戢黎侵庸方城注云在上庸縣矣上

玄水源出庸嶺下亦謂之上庸水南流入孔陽水有潭深
不測或投石其中風雨暴至按上庸蕭梁改為武陵縣後
魏廢帝又改為孔陽縣以孔陽水為名志云孔陽水在今
縣北六十里源出檀溪嶺其水滌物除垢磨礪刀劍性甚
利也縣西四十里有浸水源出王塚山下亦堪浣濯色白
如練南流入武陵水梁武陵縣以此名○寰宇記云白馬
山在縣西南三十里舊傳即新城山盛弘之荊州記云孟
達為新城太守登白馬山而嘆曰劉封申耽據金城千里
而不能守豈丈夫也哉因為上堵吟今人猶傳此聲音韻
憤激其哀思之音乎遊者云重山疊嶂亦信然也按此山

以臨堵水故孟達作上堵吟九域志云竹山縣有堵水即今南江源出金州平利縣界流入漢江○寰宇記云縣有北河源出房陵縣西繞城東流不通舟楫有石崖門為之阻隔輿地紀勝謂之北星河流入上庸水東入于漢有鳳溪鰲谷微江受陽諸水注之按鳳溪源出武陵山即武陵水也鰲谷在縣西十里其水多蛇邑人諺云莫飲鰲谷水水中有蛇龜○九域志云微江對岸有百丈山甚高峻按華陽國志謂之維水出縣界維山東入于漢○輿地志云受陽水在縣南山之南即唐所析受陽縣也建炎戊申胡騎入寇公私室廬俱為煨燼遂移治竹山至紹興癸丑復

移于房陵之張羅平是年六月乃移今治元時省入竹山縣以縣西五里筑山而名筑水所出有白雲巖在其下宋劉光祖詩萬竹山中丹葉秋五峰巖罅白雲流黃花夾路開無主青嶂隨人翠欲流○縣南有霍山龍祇山縣北有長蘿山礬石山縣西有女媧山東北有倉樂山按霍山直縣治前有瑞麥登爽二亭與之相對瑞麥亭在縣治東以宋慶元間邑產異麥而名鄭延年為之記登爽亭在大梵寺側紹興歲姚叔勉宰是邑留題末章云登臨安樂襟懷爽後人因以首末二字名亭元周仁為之記曰南望霍山之上諸峰如簇濃陰積翠迭見層出下俯筑江澄深無底

左右林巒映帶尤美云○相近為龍祇山圖經隋有道士
王若冲于此山服柏葉身上毛生碧綠白日飛昇○元和
志云長蘿山在縣北四十里山勢延蔓如垂蘿故名相近
為礬石山山出石礬其白如雪○女媧山在縣西與燕子
山相對俗傳女媧于此煉石補天山下有女媧廟王象之
摘句云女媧山下少人行澗谷山中一鳥名○倉樂山在
縣東北百餘里舊經云昔有邑人徐元周家富積粟後遇
饑饉民乏食發倉粟以救饑鄉人德之故名此山○竹山
縣有地二頃不生樹木惟有茆茨每歲清明日祭而燎之
預卜歲之豐歉草盡而豐俗謂之兔田

竹谿縣 在府西三百六十里

上庸山在城北十里為縣之鎮山古庸國治也國朝成化
中折竹山尹店社置今縣以治所在竹谿之北而名明劉
震到竹谿詩萬竈兵屯竹水涯軍聲陣陣雜胡笳○志云
五星峰在縣治前連疊五峰有相顧之意○畫屏峰在縣
西五里斷崖峻嶺其狀如屏故名○風洞在縣東三十里
白巖之西洞口僅二丈許風從此出其中深廣難測○鼓
圓山在縣南六十里兩山對峙南為南鼓山北為北鼓山
山形甚圓下各有洞○縣治河發源白玉關四十里至廖
家河與竹谿河合從縣西而東流十里至王城合進峪河

又三十里合龍燕河又十里合南陽河又五里合礮定河
東下為竹山江

上津縣

在府西北四
百八十里

漢商縣地後魏析置上津縣屬上洛郡宋省入均州 國
朝復置○志云五峪山在縣北五里自秦嶺分支來有五
峰蟠結縣治龍山在縣東十里上有龍泉治之左掖也又
四十里為黃龍山山下有洞是為龍巢水經注曰沔水又
東逕龍巢山下在沔水中高十五丈廣圓一里二百三十
步山形峻峭秀林茂木隆冬不凋○十八盤山在縣西一
百五十里○吉水在縣西源出鷲嶺流入漢江俗名夾河

是也箭河在縣東南二十里舊傳宋楊六郎與蠻王戰射
矢崖間有空竅又云河流迅利如箭故名

鄖西縣

在府城北二
百九十里

成化中析鄖之武陽里上津之津陽里置今縣以在鄖鄉
之西故名○志云黃山在縣北隅又十里為槎牙山又十
里為觀音洞內有鐘乳滴成大士像又十里為九穴洞山
下有泉九穴出如沸鼎垂如素練其響如雷○石門河在
縣西南十五里河中巨石空洞如門故名○聖鐘潭在縣
南天河之內舊有聖鐘飛入此潭遇風雨則自鳴○御史
何棐經鄖西分司詩朝發鄖陽去未休遠看旌旆尚悠悠

鄖西只在前山下路遠因過幾嶺頭〔任惟賢詩〕迢迢山徑入鄖西竹蔭清溪柳蔭堤曉旆楓林紅日豔晨炊茅屋翠煙低

保康縣

在府西北二百里

本房縣地我成化中析置今縣治于潭頭坪以保康軍為名按宋保康軍置在房州○志云屹峪山在縣治前迤邐三里萬連山在縣北高聳盤互若萬峰之連結○沙石磯在縣西十五里舊傳太公釣此磯傍有石若魚鱗然又十五里為湯峽河其峽出湯水氣薰蒸上達〔杜文寵題〕

終南洞詩〔城西仙洞邃而幽窈窕煙霞人未遊仙去幾年

黃鶴杳洞前時有白雲浮〔其題歇馬廟詩云〕崎嶇荆蜀志興劉鐵馬當年憇道周義烈千秋嚴廟貌長廊陰雨夜嘶騶自註云在保康按文寵當縣人以鄉進士知河南縣有文名○終南洞在縣西北四十里洞有二層高廣各二丈餘常有雲氣自洞中出游者以為是洞深邃不減終南○歇馬廟以關羽入蜀時歇馬于此其祠甚有英靈去縣百里

襄陽府

在省城西南領州一縣六

習鑿齒襄陽記云襄陽本楚之下邑秦兼天下自漢以北

為南陽郡今鄧州南陽郡是也白漢以南為南郡今荊州

是也襄陽乃南陽南郡二郡之地東漢末劉表為荊州刺

史治此魏武帝平荊州始分南郡置襄陽以地在襄山之

陽為名赤壁之敗魏失江陵南守襄陽以備吳西晉為荆

州所治羊祐杜預皆鎮之東晉南渡元帝以魏該為雍州

刺史鎮鄠城今郡屬光化縣地考武始于襄陽僑置雍州

朱序以雍州刺史鎮襄陽遂專為雍州刺史治所故梁武

帝有雍州曲鮑堅有南雍州記唐張九齡襄州刺史碑云

晉稱南雍楚為北津是也。○志云郡城在漢水南與樊城
市相對周一十二里百有三步晉羊祜杜預朱序宋呂文
煥所守皆此城也其曰夫人城者苻堅入寇時朱序母韓
氏謂城西北角必先受敵乃率百餘婢及城中嬪女子西
北隅築城二十餘丈後果潰移守新城賊始引去襄人因
呼為夫人城其曰聶公城者我正德間漢水大溢破城三
十餘丈副使聶賢督衆取石于仙人洞縱橫甃砌槎枒向
背悉如法仍自北門起至長門築泊岸二百八十丈又築
子堤以護之襄人因呼為聶公城嗣後嘉靖間副使徐學
謨倣其制東西南門外各去城二里許俱築有護城堤○

按堤在隋唐時已有之相沿日久其蹟始湮攷新唐書神
龍元年漢水嚙城宰相張柬之罷政事願還襄州因壘為
堤以遏湍怒盧肇因有漢水堤銘是也自是襄陽郡置防
禦守隄使李白詩云漢水橫襄陽花開大堤煖劉禹錫詩
酒旗相望大堤頭頭堤下連檣隄上樓○樊城在漢水北即
周仲山甫所封春秋伍員守樊城三國關羽圍曹仁于樊
皆此地也亦即西魏之安養縣唐之臨漢縣治今有關城
市集與襄陽對城西昔鑄鍊櫺列樹隄岍以通水道如窓
櫺然名鍊窓口○鄧城在郡東北二十里水經注云春秋
鄧國楚滅之習鑿齒記曰楚王城鄧之濁水去襄陽二十

里即斯地矣濁水又東逕鄧塞即鄧城東南小山也孫文臺破黃祖于其下又逕鄧城東古鄆子國蓋鄧之南鄙也昔巴子請楚與鄧為好鄆人奪其幣即斯邑矣按鄧城今為鎮鄆城去鄧城南五里鄧塞南臨宛口阻一小山晉陸士衡表下江漢之卒浮鄧塞之舟者也○志云鞞坊在郡城東鼓樓楚人好斯服因以名之唐崔國輔樂府詩城中美少年相見白鞞○雜說云晉時荊州公府有齋中酒廳事酒猥酒優劣三品劉弘作牧始命合為一不得分別人服其平○牽羊壇在郡城中相傳刺史初至牽羊詣壇遶之以所遶數驗治州年數宋文帝為刺史羊遶六次不止後果八年○文選樓在郡城東南隅梁昭明太子集劉孝威庾肩吾輩十餘人號高齋學士著文選于此今有臺址存按昭明以晉安王徙鎮襄陽庾肩吾本傳有常隨府在雍州被命與劉孝威等抄撰衆籍之語則文選樓似乎有據○南史謝莊性喜山水隨鎮襄陽多所題咏郡西南五里有巖洞政暇出遊彌日忘返後人因目為謝公崑及謝莊洞○韓昌黎集有再上于襄陽書雜誌云于頓在襄陽點山燈油一上二千石嘗張鐙宴客牡丹會暨集坐一虛亭寂無所有俄間問左右云香發未答云已發命捲簾則異香自內出郁然滿座群侍以酒殽絲竹次第而至列

襄陽縣志卷之七
三
有女伎數十首戴牡丹衣領皆繡歌昔人所作牡丹詞進酌而退前後花與伎凡十易盃器皆如其色酒竟歌者舞者數百人列行送客燭光香霧歌吹雜作恍然若仙遊頓喜豪奢性尤嚴刻吏民憚之故李涉上司空于頓詩方城漢水舊城池陵谷依然世自移歌馬獨來尋故事逢人惟說峴山碑○唐弘文館學士李隙碑略云漢陰驛西舊有江亭一所前後虛豁難置門牕重客居停全無牀幅大中年刺史徐公別構設廳以備迎送長廊虛檻連接前楹恠石修篁羅列其所江波入戶畫舸臨軒洵可謂勝遊之地另開過路繚繞江亭主客相邀咸遂斯禮因命新亭曰

漢廣亭僧靈準詩晴看漢水廣秋覺峴山高

襄陽縣附郭

本漢舊縣王莽改曰相陽光武復為襄陽獻帝建安十三年置襄陽郡以縣屬焉至今沿之○襄山在城西五里釋文襄上也楚俗之人凡水駕山而下者皆謂之襄也襄山近南為虎頭山其上有漢昭烈濯筆池元元水木駐馬此山指白河口曰若築壘其中襄陽糧道可斷也後遂築鹿門新城等堡○又里許為龜山上有礫礫石襄人以三月三日來遊卧擦其上謂可免災患山麓有劉先主亭○鳳凰山在城南五里舊有梁武帝寺宋之間使過襄陽登鳳林

山閣即此處也按虎山龜山鳳山俱以形似而名又二里為視山○襄陽記云峴山高五百步東臨漢水上有漢武帝廟及晉羊祜碑祜鎮襄陽時嘗與從事鄒湛登此山而垂泣曰自有宇宙便有此山由來賢哲登此遠望者多矣皆湮沒無聞湛對曰公德冠四海道嗣前哲今望當與此山俱戴祜歿後襄人感其德為之立碑見者莫不流涕杜預因目為墮淚碑孟浩然同諸子登峴山詩人事有代謝往來成古今江山留勝跡我輩復登臨水落魚梁淺天寒夢澤深羊公碑尚在讀罷一沾襟○晉柏在峴山下相傳羊祜手植有碑題曰晉柏柯榦如鏡石也山下有桃林館

晉柏冲北伐屯軍于此因食桃偶擲其核遂成茂林齊武帝樂府詩分手桃林岍送別峴山頭若欲寄音信漢水向東流○柳子山在城北七里檀水出焉梁簡文為守泛舟窮柳子之源即此側有沙門釋道安寺亦名檀溪寺即溪之名以為寺目也攷後漢獻帝興平四年荊州牧劉表約先主宴會蒯越蔡瑁欲因取先主先主遁走墮襄陽城西檀溪水中備急謂所乘馬曰的盧今日厄可不努力乃躡躍三丈而過唐孟浩然檀溪尋故友詩花伴成龍竹池分躍馬溪田園人不見疑向洞中棲○志云檀溪有響水洞其地宜竹南史梁武帝沈竹木於檀溪為舟裝之備即此

處後屬吳張二子別業蓋浩然之友也故其詩曰園林二友接水竹數家連○習鑿齒與謝安書每省家舅自檀溪念崔徐之交未嘗不撫景躡蹠惆悵終日如此則二子在晉時已有之但崔徐吳張俱逸其名按水經注以為崔州平徐元直云○望楚山在城北八里舊有三名曰楚山馬鞍山笑山圖經云秦與齊韓魏攻楚方城秦軍登山以望楚故名水經注曰山臨鴨湖湖在馬鞍山東北武陵王愛其峰秀改曰望楚矣山南有宋孝武宅又有楚巖二大字河陽趙清老刻舊傳晉陶弘山簡九日嘗於此登高○萬山在城西十里梁劉邈有萬山見采桑人詩孟浩然題萬山詩云結構意不淺崑潭趣亦深即此也襄沔記以紫蓋山萬山峴山謂之三峴故宋時改紫蓋山為中峴云○萬山下有潭孟襄陽詩自注云即沈碑潭按杜預征南紀功二碑一立峴山上一沈萬山潭中唐鮑溶詩襄陽太守沈碑意身後身前幾年事漢江千古未為陵水底魚龍應識字○按李百藥有詩云高峯沈碑影曲漱麗珠光志以曲隈即萬山下或云阿頭山或云方山當縣西北一帶皆是張衡南都賦游女弄珠漢臯之西漢臯即方山之異名也孟浩然萬山潭詩垂釣在磐石水清心亦閒魚行潭樹下猿掛島藤間游女昔解珮傳聞于此山求之不可得乘月

棹歌還○白馬山在城東南十里山有白馬泉故名南雍
州記云每年刺史史禊飲于此又三里為穀隱山晉習鑿齒
嘗棲隱焉唐元微之詩貪過穀隱寺留讀峴山碑段成式
穀隱書事云隨樵劫猿藏隈石覩熊緣○隆中山在城西
北二十里諸葛亮寓居南陽往來隆中即此宅內有避暑
臺三顧堂攷商芸小說云孔明躬耕南陽乃襄陽之南陽
墟非今之南陽郡也○百丈山在城南三十里昔有麝棲
止此山劉表遣人採藥遇一穴得麝香數斗如石蓮馨香
異常元兵逼襄陽宋來興國以百艘侵百丈山是也○鹿
門山在城東南三十里舊名蘇嶺山光武同侍中習郁幸

黎丘夢蘇嶺山神來見因命郁立祠山上刻二石鹿夾道

左故名鹿門漢龐德公唐龐蘊孟浩然皮日休俱隱於此

浩然詩漸至鹿門山山明翠微淺昔聞龐德公采藥遂不

返隱迹今尚存高風邈以遠杜甫詩昔日龐德公未曾入

州府襄陽者舊問處士節馱苦携家隱鹿門劉表馬能取

○鹿門山南為霸王山舊傳項羽屯兵于此又南為楊橋

山春秋楚為揚橋之役即此地也○土門山在縣西四十

里其形如門因名又十里為鶴子山以其地近鶴子川○

漢江源出隴西嶓冢山因其水因地而名曰漾曰沔曰漢曰
滄浪總名為漢別之則有四耳獻帝興平二十四年襄陽

男子張嘉王休得玉璽于漢水獻先王即此處也唐杜審言詩楚山橫地出漢水接天回李白詩遙看漢水鴨頭綠恰似葡萄初撥醅○襄水亦名涑水在城西北漢志襄陽郡無襄水或即漢水之別名也孟浩然詩我家襄水曲遙隔楚雲端○晉書杜預還鎮襄陽開陽江漕河以達巴河預又於富平津造浮橋或議其非預曰造舟為梁則河橋之謂也宋之問送杜審言詩卧病人事絕聞君萬里行河橋不相送江樹遠含情○按富平津即東津楊文公談苑云余頃與凌步華郎中景陽登襄陽東津寺閣凌博雅君子也蔡君謨吳椿卿昔皆師之素稱翰墨之妙寺閣舊題

二十九字在壁者字入三寸其體類韻而逸語復簡而有法○志云白河在縣東北源出南陽白水故名至樊城東入漢又縣東六十里之滾河自棗陽縣來東二百里之唐河自唐縣來皆入焉○縣北七里有七里河東北十里有清河縣南四十里有沙河再十里有土山港縣西北有金水港再二十五里有石碑港再五里有竹篠港縣東南三十里有田塍港再十里有隆盛港已上諸水俱入漢江○漁浦潭在縣南其水深而聚魚即孟浩然詩水落魚梁淺者○斬蛟渚在城北先時有蛟為患漢鄧遐為守拔劍入水蛟遶其足遐揮劍斷之故名水經注曰昔張華遇害亦

亡劍于是水後雷氏為建安從事所留之劍忽於其懷躍
出落水初猶是劍後變為龍故吳均詩曰劍是兩蛟龍○
習家池在城南十里後漢習郁嘗穿此池依范蠡法養魚
後山簡鎮襄陽每臨此池輒大醉而還名之曰高陽池時
人歌曰山公出何許往至高陽池日夕倒載歸酩酊無所
知時時能騎馬倒着白接籬李太白詩山公醉酒時酩酊
襄陽下頭上白接籬倒着還騎馬志云習池即白馬泉所
匯池上有杜甫宅甫之祖審言字必簡襄陽人也子美詩
云吾家碑不昧王氏井依然○蔡洲在城東北後漢蔡瑁
居此因名曹孟德嘗造其家訪焉王維懷孟浩然詩故人
今不見日夕漢江流借問襄陽老江山空蔡洲○冠蓋里
自府治峴山南至宜城界俱是據水經注因詳彼處杜審
言詩冠蓋非新里章華即舊臺○王粲宅在城西北八里
方山北際河水下宅內有古井宋曾鞏跋王粲石井欄記
云魏侍中王粲石井欄記貞元十七年山南東道節度使
于頔撰掌書記胡證書記一參謀太子舍人甄濟撰判官
彭朝議書云上元二年山南東道節度使來填移井欄置
於襄州刺史官舍故為記甄濟者韓愈所謂陽瘖避職不
污安祿山者其文得之為可喜而朝議書尤善皆可愛也
○龐德公宅在峴山南廣昌里諸葛孔明至公家拜于牀

下司馬德操嘗造公值公渡沔上先人墓操徑入堂上呼
德公妻子使作黍後德公隱入鹿門山不知所終宅內舊
刻晉范曄贊云江海冥滅山林長往遠性風疎逸情雲上
道就虛全事違塵枉○龐統宅在城東三里雲封寺是其
故址○徐庶宅在城東南六十里地名甘耳冲今清虛菴
是其故址○司馬徽宅在沔水北德操有戒子書云聞汝
充役室如懸磬何以自辨論德則吾薄說居則吾貧勿以
薄而志不壯貧而行不高也○晉習鑿齒宅不知所在其
與故人桓秘書云吾以去歲三日來達襄陽觸目悲感畧
無懽情每省家舅從北門入西望隆中想卧龍之吟東眺

白沙思鳳雛之聲北臨樊墟存鄧老之高南眷城邑懷羊
公之風縱目檀溪念崔徐之友肆睇魚梁追二德之遠未
嘗不徘徊移日惆悵極多撫景躊躇慨爾而泣曰咨乃魏
武之所置酒孫堅之所隕斃裴社之故居王粲之舊宅遺
事猶存星列滿目瓊瓊常流碌碌凡士焉足以感其方寸
哉夫芬芳起於椒蘭清響生乎琳琅命世而作佐者必垂
可大之餘風高尚而邁德者必有明勝之遺事若向八君
子者千載猶使義想其為人况相去之不遠乎○塚廟記
云楚昭王墓在習池北齊建元年盜伐塚得古書竹簡後
沈約亦得數簡以示劉繪繪曰周禮逸編也○楚莊王墓

在鄠城內俗呼莊家塚者是○漢南頓君墓在縣東北七
里光武父也○劉表墓在城東志云表有呼鷹臺東去二
十里表性好鷹每登此臺歌鷹來曲又有劉琦臺在城東
二里琦即表子與諸葛亮謀自安上樓即取梯處○晉太
醫令王叔和墓在峴山南梁蕭綸墓在望楚山綸郢州刺
史昭明太子弟也○唐劉言史墓在城外五里○孟浩然
墓在鹿門山符載有從襄州太守樊澤求修孟處士墓牋
○盧多遜墓逸其處志云多遜既卒許歸葬其子察護喪
權厝佛寺將易以櫬啟其屍不壞儼然如生○雜志劉表
在襄陽登彰山眺矚見山岡不生草木問王粲何故粲曰
是古塚此人在世服礬石葬而石生熱蒸出在外故草木
焦滅即令發看果得大墓內有礬石滿塋○輿地碑目云
襄陽南東道四大字唐李陽冰篆併其碑文○唐開元年
襄州刺史靳恂子濟頌德碑張九齡文大中年刺史徐商
秋卿頌德碑李隙文俱在郡廳後○宋曾鞏跋常樂寺浮
圖碑後周保定四年立州人治記室曹胡逵撰○鞏又跋
徧學寺禪院碑云襄州徧學寺禪院碑黃門侍郎修國史
韋承慶撰太子少詹事鍾紹京書開元二年立其文云襄
州人將仕即阮弘靜與其屬人建徧學寺禪院故立此碑
承慶有辭學張易之敗時衆推令草赦書承慶援筆而成

象壯之紹京景龍中以苑總監從討韋氏有功性嗜書家
藏王羲之獻之褚遂良書至數十百卷以善書直鳳閣武
后時榜諸宮殿明堂及銘九鼎皆紹京書也其字畫妍媚
道勁有法誠罕與為比然今所見特此碑尚完尤為可愛
也徧學寺于宇文周為常樂寺於今為開元寺○鞏又跋
興國寺碑云丁道護書啟法寺碑一興國寺碑一皆隋開
皇中立啟法寺今為龍興寺在襄陽城西興國寺今為延
慶寺在望楚山歐陽永叔云興國寺碑不知所在特見其
模本於太學官楊裒家而此碑陰又有道護書襄州鎮副
總管府長史柳止戈而下十八官號姓名其字尤可喜得
之自余始世蓋未有傳之者也

宜城縣

在府東南
百二十里

西漢志宜城縣下註云鄢東漢志註云舊羅國有熊氏之
後今縣東北二十五里羅川城是也水經注云羅川亦謂
之鄢水春秋楚人伐羅渡鄢若敖師敗亂次以濟即斯地
矣襄陽志云宜城縣周楚之卽邑秦為卽縣屬南郡輿地
廣記云劉宋改宜城縣曰華山縣梁為率道縣按漢志宜
城卽縣本是兩邑水經注云卽即楚之騎城也漢高帝封
黃極忠為侯國宜城惠帝所改後漢建安三年曹操表先
主為鎮東將軍封宜城亭侯者今宜城乃唐天寶六年置

改自率道縣者漢所置宜城在今縣北三十里○注水經曰宜城縣有太山山下有廟漢末多士其中刺史二千石卿長數十人朱軒華蓋會于廟下荊州刺史行部見之雅歎其盛號曰冠蓋里刻石銘之其辭曰峨峨南嶽烈烈離明實敷俊又君子以生惟此君子作漢之英德為龍光聲化鶴鳴按志太山以建安年崩今無復存○志云紫蓋山在城西一里其形似蓋常有紫氣籠罩其上又南為都亭山○五車山在縣東北二十里俗傳龐蘊棄金於此山下有滴水崖建伍子胥廟○兩乳山在縣東三十里又十里為兩耳山俱以形似而名山有兩峰狀如乳之垂如耳之批也○石梁山在縣西三十里石橫過似橋梁上有龐德公祠○赤山在縣東南五十里土石皆赤故名其下有深潭曰赤潭相傳周呂望釣于此名釣魚潭○金沙泉在縣東二里其泉造酒甘美世稱宜城春又稱竹葉春梁元帝詩宜城醞酒今朝熟停鞭繫馬暫棲宿温廷筠詩宜城酒熟花覆橋沙晴綠鴨鳴咬咬皆咏此○木里溝在縣城西北後漢太守王寵鑿此溝灌田即蠻水也長渠在縣西宋知縣事曾鞏記云荆及康狼楚之西山也水出二山之間春秋之世曰鄔水其後曰夷水水經所謂漢水過宜城夷水注之者也以避桓温父名改曰蠻水秦昭王使白起攻

楚去鄆百里立碣壅此水為渠以灌鄆遂拔之鄆入秦而
白起所為堰不廢用以灌田田皆沃壤唐胡曾詩武安南
伐勒齊兵䟽鑿功將夏禹并誰謂長渠千載後蠻流猶入
故宜城○志云漢江在縣東四里自襄陽縣界來東北流
入安陸州按志縣東有陰港朱家港王城港潘家河及珍
珠泉南泉二水縣北有毛家港羊祐河縣南有龍池水東
南有練港水俱入漢江其南六十里有分水嶺即分宜城
荆門州之界○梁蕭穎士有登故宜城賦自注云丙中歲
避難襄陽作也唐劉禹錫經故宜城詩野水遶空城行塵
起孤驛花臺側生樹石碣陽鐫額靡靡度行人温風吹宿

麥○韓昌黎有宜城驛記略云此驛置在古宜城驛東北
有井傳是昭王井有靈異至今人莫汲驛前水傳是白起
堰西山下澗灌此城城壞楚人多死流域城東陂臭聞遠近
因號其陂曰臭陂有蛟害人漁者避之井東北數十步為
楚昭王廟有舊時高木萬株多不得其名歷代莫敢翦伐
尤多古松大竹于大傅師襄陽遷宜城縣并改造南境數
驛材木取足于此昭王廟向極宏盛今惟草屋一區然聞
左側人尚云每歲十月民相率聚祭其前廟後小城蓋王
居也其內處偏高廣圓方八九十畝號殿城當是王朝內
之所也多甃可為書硯愈詩曰丘墳滿目衣冠盡城闕連

雲草樹荒惟有邦人懷舊德一間茆屋祭昭王按志昭王故城去今縣東北三十三里○縣南四十五里有破河腦相傳春秋時楚平王殺伍奢其子伍員出奔曰吾必覆楚平王卒國人因葬王于石子湖中作虛塚于江南岸後員以吳兵入楚遂破河掣水取平王尸鞭之因名○縣北有善謔驛即淳于髡獻鵠于楚挈空籠而說楚王處事詳戰國策驛傍有淳于髡墓唐柳宗元詩水上鵠已去亭中鳥又鳴辭因使楚重名為救齊存丘隴遺千古羽觴難再傾劉伶今日意異代是風聲劉禹錫詩生為齊贅婿死作楚先賢應以客卿葬故臨官道邊寓言本多興放意能合權

我有一石酒置君墳墓前○宋玉宅在縣南三十里唐杜

甫詩搖落深知宋玉悲風流儒雅亦吾師悵望千秋一灑

淚蕭條異代不同時江山故宅空文藻雲雨荒臺豈夢思

最是楚宮俱泯滅舟人指點到今疑志云宋玉塚有二其

一在宅後其一去縣南三里正德間知縣朱崇學立碑曰

楚大夫宋王之墓明徐學謨詩嶺度千盤下郢都孤墳寥

落古城隅陽臺神女無消息殘碣猶書楚大夫○漢王逸

宅在故縣西北二十步今呼王家屋場者是逸撰楚辭章

句十卷○黃憲墓在今縣西北十五里俗呼黃連塚憲汝

南人因訪王逸卒于宜城葬焉朱崇學立碑城北五里官

路云漢處士黃憲之墓仍立小碑于墓前○漢秦頡墓頡
 襄陽人為南陽太守行至宜城歎曰茲地可卜佳城後卒
 于官輜車過此不行遂葬之○向寵墓在毛家港一里有
 石羊存○馬王塚在縣西南四十里馬王冲南疑即馬良
 塚也鄉里諺曰馬氏五常白眉最良○七十二塚縣北至
 潼口皆是相傳為漢唐名臣塚○段成式宅在縣西六十
 里之木香村先世臨淄人其父文昌帥荆南因徙居焉民
 俗謠曰旱不苦禱而雨雨不愁公出遊蓋公帥荆南時作
 也雜志云段成式嘗于宜城私第鑿池得片鐵命尺周量
 之而不言寘之密室時窺之則有金書小字報十二時其

博物類此

南漳縣 在府西南
百二十里

左傳江漢沮漳楚之望也元和志云南漳本漢臨沮縣地
 後魏於此置重陽縣舊唐志云晉立上黃縣後魏改為重
 陽隋改南漳新唐志云本荆山縣開元十八年更名南漳
 以南臨漳水為名宋中興小曆云紹興五年省中盧入南
 漳因徙治焉中盧即春秋盧戎地也故城在縣東五十里
 ○志云王溪山直縣治前其峰高峻有溪水聲淙淙如玉
 珮故名○清溪山在縣故臨沮城界內晉時有道士結廬
 其上郭璞為臨沮長詩云清溪千餘仞中有一道士○四

望山在縣南三十里東望襄陽西望房陵南望荊州北望穀城歷歷皆見○八疊山在縣西六十里晉司馬懿鑿山開道屈曲八疊因以為名○司空山在縣西一百里又八十里為臨漳山一名雞頭山其形似雞頭北臨漳水故名之○荆山在縣西北八十里三面險絕惟西南一隅通人經經山海經云其陽多鐵其陰多赤金山上有池傍有石室相傳為卞和宅上有抱王巖今鳳陽府亦有此山○蠻河在縣前一里源自房陵來經縣西南入宜城○清涼河在縣東一十二里與蠻河合○漳河在縣南一百三十里源出當陽境流入漢江沮河在縣南五十里源出房陵縣東南入漢王粲登樓賦所謂倚曲沮之長洲即此水也○一椀泉在縣西三百里石上有坎僅容一椀取之不竭○珍泉池在縣西南二十里雙池寺內人於池傍蹴呼則四圍水湧跳如珠又有三湧池在靈泉寺內晉時僧聰達者見此井祝曰吾教若興水湧者三果如其言又縣北五十里石門寺內有石筍數莖挺出丈餘或為玉兔搗藥狀○縣北靈惠寺有二石竝列塔前高丈餘若天成罇瓶然○明教寺有分經臺梁昭明太子同隱士劉虬法慧分經之所基址尚存

襄陽縣 在府東北一百四十里

本漢蔡陽縣地後漢分立襄鄉縣後周改廣昌縣隋仁壽元年改棗陽縣因棗陽村以為名唐貞觀元年以春陵縣併入○春陵者蔡陽之白水鄉漢武帝封長沙王子買為春陵侯莽新之亂地皇三年漢宗室劉續及弟秀起兵于此後即帝位建武三年冬十一月光武幸春陵祠園廟置酒大會故人父老及章帝元和三年祠光武顯宗于縣舍石室召校官子弟作雅樂奏鹿鳴上自御塤箎和之以娛賓客即斯處矣志云白水河在縣南四十里源出大阜山西流入漢光武舊宅○水經注云洞水出大父山西南流謂之白水○春陵城在縣南三十里蘇伯阿嘆曰氣佳哉

鬱鬱蔥蔥者也光武改為章陵孟浩然詩魯堰田疇廣章陵氣色微○卧牛臺在縣東相傳光武騎青牛于此○廣昌館在縣北即舊廣昌縣也韓愈廣昌館詩白水龍飛已幾春隅逢遺跡問耕人丘墳發掘當官道何處南陽有近親按志南陽城在縣東南三十里晉司馬周侶築○獅子山在縣南四十里上有光武廟○甘泉山在縣東北四十里泉出甘美故名流入白水○資山在縣東南六十里其上可以耕種環山之民皆資焉今為市集○澗源山在縣南七十里山有二石名東西石虎澗水出焉逕縣東流入漢江西魏置澗縣以此○澗水在縣南襄沔記云源出隨

襄陽縣志 卷之七
州澧山即張衡南都賦之灤澧也水經注曰澧水又西南
逕蔡陽縣故城光武封劉本為侯國○襄陽傳云蔡陽界
有赤松亭亭下有神陂亦南都賦所謂赤松神陂者○蔡
子池盛弘之荊州記曰蔡倫宅傍去縣北半里宋王安石
詩波工龜手詫今樣魚網肯數荊州池

穀城縣

在府西一百八十里

漢筑陽縣蕭何子封筑陽侯即此漢志南陽郡下有筑陽
縣注云故穀伯國左傳穀伯來朝是也隋開皇初改為穀
城縣○志云廢筑陽城在縣東四里後漢建武元年世祖
封吳財為侯國王莽更之曰宜禾矣又縣南二十里岡有

有城基乃劉表將李氏家富有奴僕數百以其奴戶別立
城邑名曰格壘是也○筑水在縣南一百步陸澄志云筑
陽水中有孤石挺出其下澄潭時有見此石根如竹根而
黃色見多凶相與號為受石筑水滙沔水之處謂之筑口
其上有高亭山祠其神舊傳是蕭相國像○開林山在縣
西北四里漢景帝二年改封蕭何子為筑陽侯築城于此
山下又二里為穀山有古穀城即春秋穀伯綏舊國也又
有穀神山在縣西十里上有石城○按開林水經注謂之
闕林山有二碑其一文曰君國者不躋高堙下先時或斷
山豈以為平路云○袁曹洲在縣東五里相傳三國時袁

紹曹操爭渡于此○赤山在縣東南八十里丹崖壁立臨漢江之上故名又西南有碓山山中雲起必雨人以為驗山上有孤竹三莖三年生一筍筍竹死代謝不已按襄陽記謂之剪山亦去縣八十里○靈泉在縣南五十里古靈寺傍其泉與西蜀相連昔泉上浮一木魚刻云蜀某寺記又二十里為小樊洲其洲種瓜味特甘美洲傍有寺曰廣德寺內有池曰卧牛乃隋煬帝宮妃為尼採何首烏以愈惡疾者今池傍產此藥特盛○志云唐王陵在縣西南五十里望城岡不知何代陵有翁仲存○宰相張柬之墓在涓口都東之襄陽人也○學士承旨錢徽墓在縣北徽本吳興人考功即起之子也居穀城卒因葬此 國朝衛國公鄧愈墓在縣西四十里其地有珍珠泉香鑪旗鼓諸勝按衛國平定襄南修建城池有大勲勞于襄者

光化縣 在府城西一百八十里

春秋楚地陰國所遷周景王二十年楚令尹赤遷陰于下陰者是秦漢為陰鄠二縣鄠即蕭何封邑也水經注云沔水過鄠城西南謂之鄠頭王莽更名南庾者也又遷陰縣城西漢濟南人劉熹字伯怡為陰縣令雅好博古教學立碑載生徒百有餘人不終業而夭者因葬其地號曰生墳即此地矣隋改曰陰城唐廢為鎮宋陞陰城鎮為光化軍

熙寧五年軍廢始為光化縣○志云光化縣乃宋乾德縣所改歐陽修曾為此縣令六一集內有金雞塚文并黑龍潭祈雨文俱在乾德縣作按乾德故城今入穀城縣境而金雞塚在縣東北五里黑龍潭在縣北五里其上有牛頭山以形似而名○馬窟山在縣東五里中有石窟漢時有馬數百匹出於此窟形小如巴滇馬吳陸遜攻襄陽過之窟中有數十匹馬出遜載還建業適蜀使者至有兵士滇池人識其馬云是父所乘對之流涕○固封山在縣西北一十里舊經云本名崇山唐天寶六年改今名按其下有順陽城故順陽王國也水經注曰本名赭陽漢襄帝改

為順陽世祖封朱祐為侯國○雍州記云鄧城南四里有五百村榆樹連理異本合榦鄉人以為社其洲并樹在此村因以為名寰宇記五百作五陌○漢江在縣西北南流入穀城界○白河自鄧州來與秘河合流入漢有蒿堰陡溝大梁溫泉等河各注之温水河則自馬窟山西瀑泉所出也○志云春秋伍舉墓在富鄉有石獸存○漢婁壽墓在縣東南八十里有碑嘉平中立題云元儒婁先生碑宋歐陽修嘗率諸生拜之○宋張士遜墓在紅崖仁宗御題曰舊德之碑○李仲芳墓在遵教鄉歐陽慶墓在廣節山俱歐陽修表

均州 在府城西北
三百九十里

春秋屬麋戰國屬楚秦漢屬南陽漢中二郡地晉屬順陽郡永嘉之亂雍州始平郡流人之在襄陽者因僑置始平郡以領之寄理襄陽宋劉孝武割武當縣隸焉武當者謂其界有太和山非玄武不足以當之也後魏因改為武當郡又置興州西魏改興州為豐州隋初郡廢改豐州為均州○按志均水直州前漢地理志云丹水東來折入鈞注云鈞亦小名與均同○唐史中宗嗣聖元年太后遷帝于房州又遷于均通鑑書帝在均州是也○志云太和山在州南一百二十里山有七十二峰三十六巖二十四洞五

臺五井三泉三潭初名仙室山又名太嶽山玄武奉元君之言遊覽至此改名太和因棲止焉荊州圖副云武當山一名叅上山山形特秀異于衆嶽峰首狀博山香鑪亭亭遠出藥食延年者萃焉曾水發源山麓逕越山陰東北流注于漢道經云玄武者淨樂國太子生而神靈長遇紫虛元君授以道秘又遇天神授以寶劍入武當山修煉居四十二年功成白日飛昇奉上帝命往鎮北方真誥稽神樞云謝允字道通歷陽人晉咸和中入武當山注水經云允捨羅邑宰隱遯此山故名謝羅山南雍州記云武當山有石室相傳為尹喜之室郡國志云漢武帝遣戴將軍入此

山採藥得道不返漢陰長生聞馬先生隱武當山有道術
遂往從之後在忠州飛昇六朝宋劉虬字靈預泰始中隱
此山辟穀今劉爽巖是其居處陶弘景云山世遠即尹公
弟子已得為太和山真人詳見真誥張相國詩序云開寶
中僧元明往武當山朝曦欲上宿霧半斂見一黃衣道者
入藏經中函招之已失但聞異香馥郁而已故作詩曰八
十老僧今日說曾於霧裡見仙人□朝山即叅巖也俗名
天柱高出萬丈居于七十二峰之中頂上東西九丈南北
二丈四維皆石脊如金銀采色晴明日乃見一月之中不
見四五以為眾山朝揖之主故名南峭壁下有池如井名
曰天池北下石門三所曰三天門太和清微二宮皆在此
峰內其東武當澗水出焉滙黃嵒諸峰之水北入紫霄澗
口紫霄嵒即南嵒也有宮曰南嵒宮登陟崎嶇左右旋折
始至其處疊字金鼎諸峰飛昇禮斗二臺俱在目前宮內
有池三曰天一曰泰一曰滄水又有紫霄宮在展旗峰下去
宮南八十步為福地殿天下名山七十二福地斯其一也
仰視三公山俯瞰禹跡池前擁寶珠峰後倚歛火嵒眾景
畢集于此而紫霄澗之水本三公山流出滙黑虎澗諸水
入于九渡口五龍宮在五龍峰之頂上有靈池石廟一區
榜曰真源之殿其水流出為黑虎澗滙白龍潭諸水

磨針澗澗去宮北一里有石橫澗濱其形如磨相傳玄帝初習道時微有怠意遇神女以鏡杵磨為針因問之曰何時可成答曰工夫未到耳帝大悟其在宮西南為紫蓋松蘿二峰松蘿即帝修真所着衣也紫蓋峰去宮二十里夜間嘗見仙燈往來傳有神丹瘞此口玉虛宮在展旗峰之北國初仙人張三丰所居故有張仙洞室原遇真觀故址也去宮三十餘里始為玉虛崑跨九渡水之上而嵩谷梅溪諸磧入焉口遇真宮去玉虛八里山水環遶若城故舊名黃土城口迎恩宮在石板灘蓋鄖襄官路也灘匯山前諸磧之水合為一川有五橋以濟曰迎恩曰絞口曰尋真


枯應作枯

曰冲和曰中橋口淨樂宮在州城中相傳玄帝之先曾為淨樂國王淨樂治糜而均為糜地故因以名宮宮內有紫雲亭以玄帝降生于此時有紫雲覆之本山志云以山之高下言先泰和次南崑以宮之大小言先玉虛而次淨樂也口與玄武山相近有石堦山一名華嶽地肺一名肺山地其西北有大松樹樹下生草名救窮草冬夏不枯月食三寸絕穀不饑口女思山漢來歙曾孫女嫁為河內張德子嬪隨夫還至此山南望父母思慕而死遂葬於此口法華巖隋時有僧慧哲居此誦蓮華經常有龍子來聽其西有俞公巖巖中有白衣老人謂慧哲曰我東溟之子謫

磨針澗澗去宮北一里有石橫澗濱其形如磨相傳玄帝初習道時微有怠意遇神女以鍊杵磨為針因問之曰何時可成答曰工夫未到耳帝大悟其在宮西南為紫蓋松蘿二峰松蘿即帝修真所着衣也紫蓋峰去宮二十里夜間嘗見仙燈往來傳有神丹瘞此口玉虛宮在展旗峰之北國初仙人張三丰所居故有張仙洞室原遇真觀故址也去宮三十餘里始為玉虛崑跨九渡水之上而嵩谷梅溪諸磧入焉口遇真宮去玉虛八里山水環遶若城故舊名黃土城口迎恩宮在石板灘蓋鄖襄官路也灘匯山前諸磧之水合為一川有五橋以濟曰迎恩曰絞口曰尋真

曰冲和曰中橋口淨樂宮在州城中相傳玄帝之先曾為淨樂國王淨樂治糜而均為糜地故因以名宮宮內有紫雲亭以玄帝降生于此時有紫雲覆之本山志云以山之高下言先泰和次南崑以宮之大小言先玉虛而次淨樂也口與玄武山相近有石堦山一名華嶽地肺一名肺山福地其西北有大松樹樹下生草名救窮草冬夏不枯月食三寸絕穀不饑口女思山漢來歙曾孫女嫁為河內張德子嬪隨夫還至此山南望父母思慕而死遂葬於此口法華巖隋時有僧慧哲居此誦蓮華經常有龍子來聽其西有俞公巖巖中有白衣老人謂慧哲曰我東溟之子謫

居此地限滿得還斯我所居也願奉仁者按即玉虛崑○志云漢水在洲北四十里注水經曰漢水又東南逕武當縣故城北世祖封鄧晨子堂為侯國漢水傍有佷子山鑿石六十字皆徑尺其四為丹丘玄田其二不可識水經注曰漢水又東為佷子潭潭中有石磧洲長六十大廣十八丈世以佷子葬父斯處故潭得目焉漢水又東為滄浪水酈道元曰不言過而言為者明非他水所決入也其地有滄浪水水中有洲庾仲雍漢記云滄浪洲亦謂之千齡洲世俗語訛音與字變矣滄浪亭在州東門外相傳即孺子歌者○襄陽志云均州土陂窰子舖去州九十里相傳舜避堯子耕此碑湮螭首猶存廟貌袞冕商均侍廟右水田石坂下即浚井處犯則雷鳴修真觀石孔即舜出處農耕或獲載舟水涸忽漲米舟始出供養故名滾河今訛浪河其耕山一名獮山一名碎米山百草不生獨生小白花按舜避堯之子於南河之南傳云南河荆河也襄州蓋荆河也其事附會本此○志云濮王宮在治內唐太宗第三子泰封濮王所居濮王薨後妃閻氏捨宮作延福寺今報恩寺其故址也宮前有禹跡池舊初臺其上今廢



道